



Tebello Nyokong longusosayensi lolwa nekhensa

Nomsa Angelina De Wee
Simon Mokoena



Tebello Nyokong unguSosayensi
waseNingizimu Afrika llobalulekile.

Lwati lwakhe lusita ekwelapheni
nasekusindziseni bantfu etifweni letimbi.



Ngesikhatsi asengumntfwana, Tebello beka hlala nebatali bakhe eLesotho. Bamkhulisa kahle.

Ngalelinye lilanga bekalusa timvu, kutsi ngalelilandzelako aye esikolweni. Lesi bekusicalo semfundvo yakhe.




Ngesikhatsi Tebello eluse timvu, becabona letinye tilwane netitjalo.

Tebello bekakujabulela kubuka tintfo letimungeletile. Bekangumntfwana lotsandza kufundza ngetintfo letinsha.

Wafundza lokunyenti ngendalo ngekubuka titjalo netilwane epulazini.



Tebello bekafuna kufundza iSayensi esikolweni.
Bamtjela kutsi angacali. Batsi imatima kakhulu.
Batsi iSayensi yebafana hhayi emantfombatane.
Ekucaleni, wabalalela. Bangani bakhe esikolweni
bebenta letinye tifundvo.



Kepha Tebello bekakufuna mbamba kufundza iSayensi.
Bekati kutsi utawuphumelela.

Ekugcineni, bamyekela kutsi asente lesifundvo.
Wajabula futsi bekasenta kahle.

Wacala kufundza iSayensi sekusele iminyaka lemibili
nje kuphela acedze sikolwa Semabanga Laphakeme!



Tebello wasebenta kamatima kute afundze konkhe lebesekufundwwe ngulabanye bantfwana labasekilasini leSayensi.

Bekahlakaniphile, atimisela, futsi akutsandza kufundza.

Ngeminyaka lemibili, wafundza konkhe lobekufanele akufundze ngeSayensi Esikolweni Semabanga Laphakeme futsi waphumelela luhlolo lwesayensi!



Sifundvo seKhemisi siluhlobo lolutsite lweSayensi yeFiziksi. Iyincenye yelwati lweSayensi. Ngayo Tebello labeyitsandza kakhulu kuSayensi.

Imisebentikulinga yeSifundvo seKhemisi yentiwa eLabhorethri yeSayensi.

Tebello bekati kutsi ufuna kuya enyuvesi, kute afundzele iKhemisi!



Tebello waya eNyuvesi yaseLesotho kute atfole ticu teSayensi.

Bekangumfundzi lohlakaniphile futsi asebenta ngekutimisela. Bekacitsa sikhatsi lesinyenti aseLabhorethri enta imisebentikulinga.

Waphumelela kahle, wabese utfole umfundzate e-Canada.



Tebello bekakutsandza kufundza iSayensi, kepha weva buhlungu nasekufanele ashiye umndeni wakhe nebangani bakhe lapha e-Afrika.

Waya e-Canada ngobe bekafuna kufundzela lucwaningo lweSayensi.

Bekafuna kuba nguchwepheshe emkhakheni weSayensi.



Tebello watfola bangani labasha eCanada.
Bebakhuluma tilwimi letingafanani, kepha siNgisi
sabasita bakhona kucoca kahle.

E-Canada, lichwa belikhitsika emadolobheni akhona
njengasetintsabeni taseLesotho.

Ngekushesha nje ngemuva kwaloko, Tebello watfola
lomunye umfundzate wekutsi achubekisele embili
tifundvo takhe.



Ngemuva kwaloko, waya enyuvesi yaseMelika. Wanaka kakhulu lucwaningo lweSayensi kute alwe netifo letimbi kakhulu.

Ngemuva kweminyaka leminyenti yekufundza, Tebello wabuyela ekhaya. Bekafuna kusebentisa lwati lwakhe kute asite bantfu baseNingizimu Afrika.

Tebello bekatetsemba.



Lamuhla, Tebello unguPhrofesa weSayensi.
UneLabhoretri yakhe yeSayensi uphindze afundzise
netitjudeni enyuvesi.

Ucwaninga tindlela letinsha kute asite bantfu
labanetifo letimbi.

Umsebenti waPhrofesa Nyokong wengeta elwatini
lolumayelana nekwelashwa nekusindziswa
kwetimphilo tebantfu labanekhensa.



Umsebenti wakhe wengeta elwatini lolusita silwe netifo.

Lokwenteke ekuphileni kwakhe kusibonisa kubaluleka kwekutetsemba nekutsi singaliphosi lithawula.

Sidzinga bosoSayensi labengetiwe labafana naPhrofesa Tebello Nyokong!

—Imibuto

1. Shano emave lamatsatfu Tebello lafundza kuwo. Wafune ebalaveni.
2. Ngesikhatsi asengumntfwana, Tebello bekatinaka yini tintfo letenteka endzaweni lakuyo? Wati njani?
3. Yini leyenta bantfu batjela Tebello kutsi angayifundzi iSayensi? Wena uyavumelana yini naloko?

—Tincwadzi letikuloluchungechunge

- Andile Mji
- Asnath Mahapa
- Bongani Mayosi
- Charlotte Maxeke
- Mmantsane Moche Diale
- Mulalo Doyoyo
- Tebello Nyokong
- Tshilidzi Marwala

Lenzaba icanjwe yaphindze yabhalwa ngeSesotho, njengencye yephrojekthi yetintfo tekufundza te-Zenex Ulwazi Lwethu ya-2020.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



Your attribution should include the following:

Title: Tebello Nyokong longusosayensi lolwa nekhensa

Author/s: Nomsa Angelina De Wee

Translator/s: Simangele Khoza

Illustrator/s: Simon Mokoena


Assurer/s: Mduduzi Benjie Shongwe

Language: Siswati



© Zenex Foundation - Saide 2023

CC BY includes the following elements:

BY  - Credit must be given to the creator

